



正校

續



後紀

十三十四

第十一號			
考備	月年	部全	別科
	明治	一	國
	年	〇	史
	月	冊	科

至門 十一年

送義和十年

特別  
5  
8539  
7



特

門 5  
號 8539  
卷 7

續日本後紀卷第十三起十年正月盡十二月

太政大臣從一位臣藤原朝臣良房等奉 勅撰

十年春正月庚寅朔廢朝賀諒闇也左大臣正

二位藤原朝<sub>臣</sub>緒嗣上表乞骸骨優詔不許之○

甲午散位從四位上伴宿禰友足卒友足<sub>延曆</sub>

廿二年任內舍人弘仁之初除左衛門大尉弘

仁五年叙從五位下拜右兵衛佐天長六年第

加賀守遷遠江守常陸介十月任左衛門佐十

年授從四位下友足為人平直不忤物情頗有

伴友足卒

庚寅獻御  
贊事

武藝最好鷹犬與百濟勝義王同時獵狩也但其用心各不同耳勝義王獲鹿不必分其肉友足獻御贊餘徧遺諸大夫一齋不留由是諸大夫之戲言至閻樂王縱以友足配惡趣我等救之必令脫出謬以勝義赴淨刹我等亦陳訴擠墜泥黎友足年六十六卒自知屬續之期沐浴束帶無病而終有識異之僉曰生處可識之人也○丁酉皇太子叅大極殿宸勝會但不舉音樂以過密之內也勅如聞疫癘間發死者多

姓

加之狂花發号示不祥宜始自來二月迄于九月每八日令十五大寺及七道諸國國分二寺并定額寺名神等寺講仁王般若經上野國新田郡人勲七等犬養子羊弟真虎等二人賜姓丈部臣○戊戌左大臣藤原朝臣緒嗣重上表云云勅猶不許○庚子授正六位上春枝王外從五位下御輔朝臣真男正六位上藤原朝臣世數安倍朝臣安正橘朝臣時枝常道真人兄守安倍朝臣甥磨齋部宿禰木上並從五位

叙位

下正六位上山田宿禰文雄山代宿禰氏益並  
 外從五位下皆欲遣治國及任要官特所叙也  
 ○辛丑<sup>世三</sup>以從五位下紀朝臣野長為少納言從  
 四位下豐江王為中務大輔從五位上長田王  
 為民部大輔從五位下安倍朝臣甥麻呂為主  
 計頭外從五位下多朝臣淨繼為山城介從四  
 位<sup>下</sup>紀朝臣若江為大和守外從五位下山田  
 宿禰文雄為介從五位下丹墀真人外成為河  
 內守從五位<sup>上</sup>有雄王為攝津<sup>守</sup>從五位下布

長良公御權  
 相模守

瑠宿禰高負為加賀守正五位下長岑宿禰高  
 名為伊勢守從五位下常道真人兄守為尾張  
 介從五位下丹墀真人石雄為駿河介從五位  
 下橘朝臣時枝為甲斐守從四位下藤原朝臣  
 長良為兼相摸權守左兵衛督如故從五位下  
 林朝臣常繼為武藏介外從五位下御春宿禰  
 清庭為安房守從五位下文室朝臣真室為下  
 總守從五位下藤原朝臣世數為上野介從五  
 位下愛宕王為若狹守從四位上源朝臣生為

布瑠高負既考  
 加賀守同日同  
 守兩人如何疑  
 一人者權守欵

加賀守從五位上石川朝臣永津爲介從五位  
下春枝王爲能登守從五位上佐伯宿禰利世  
爲兼越後守左近衛少將如故正五位下宮道  
朝臣吉備曆爲因幡守從五位下齋部宿禰木  
上爲伯耆守從五位下安倍朝臣安正爲出雲  
守從五位上佐伯宿禰春海爲安藝權守從五  
位上藤原朝臣良相爲兼阿波守內藏頭左近  
衛少將如故從五位上清原真人東賀爲土佐  
守外從五位下山代宿禰氏益爲豐前介左大

臣正二位藤原朝臣緒嗣上表言踟躕暮景側  
足重泉仰堯闕而待終顧衰朽以知止而禮光  
之杖不聽遊於戶庭廣德之車不得懸於私館  
此則聖皇獻思無窮議及胡荛臣數年卧疾不  
自支持天命未除免先泡露然而氣力咸盡恐  
公鼎之折足恩流既盈悔廟器之致敬乃再三  
表奏生死在斯陛下猶纏印綬而在位因爲優  
老之賜請釋朝衣而就第將爲終焉之賞不堪  
蒙昧之至頻觸天聽○癸卯最勝會竟引名僧

水取繼主卒

十餘口於紫宸殿令論議訖施御被命婦從四位下大宅水取朝臣繼主卒○甲辰中務省言案令條京職畿內七道諸國庚午年籍應在省中而不載年終帳遙遷代前司等无心言上久致遺漏若不申顯恐有後責者令左右京職五畿內七道諸國寫進焉右京職言近江國坂田郡人尾張連繼主祖父比知曆三條三坊人也而父秋成偏隨母居已附外籍者繼主一人男一人刪改邊籍貫三條三坊○丁未勅報曰省

表具之深以悲感朕自在大哀荒衿迷謬雖迫貴制不能自勉是以政無小大聽于冢職然則恩信之勤須倍常日記委之情當在此時而認意褻服致誠懸車前後累上確乎不移殆將依請則具瞻之寄闕之於國縱不遂望則高矣之求損之於公畢景終霄思服成疾然義不在飭信終歸誠哉頻仰冲祈恐永傷乃懷故屈朕懇慕申公謙退望朝端而空座辭宸階以生塵徘徊于此心無所厝但至道不限大忠无終公家

之有元王室之利害而言之不諱議而不盡復  
猶相累幸勿金玉乃音是即所以相共終始之  
大望也春寒想強加食指不多及○庚戌勅左  
丞相藤原緒嗣先朝之元勳而朕之舊德也近  
功成名遂老歸於第朕以几杖禮優之不敢負  
公之故然政之資賢相猶病之待良醫永言于  
此戀慕彌深夫鬼神有智體清慎者壽命永福  
祿無主履忠孝者子孫昌正五位下右馬頭藤  
原朝臣春津是公之孝子特可授從四位下以

姓

慰目前○壬子授從四位上紀朝臣名虎正四  
位下正六位上伴宿禰善男從五位下○丙辰  
左京人位子從八位下役連豐足等二人賜姓  
弘村連纏向日代宮役民之長鳥之枝別也故  
以役爲焉美濃國山縣郡少領外從八位上均  
田勝淨長等九人賜姓中臣美濃連中臣氏祖  
津速魂命之苗裔也△二月庚申朔日有蝕之  
○壬戌外從五位下味真公御助麻呂爲越中  
介散位從四位下勳七等大野朝臣真鷹卒左

大野真鷹卒

近衛中將從四位上勳五等真雄之子也弘仁  
元年任春官坊主馬首漸歷左兵衛右衛門少  
尉十二年叙從五位下至散位頭大監物左兵  
衛佐淳和天皇踐祚天長之初任右近衛權少  
將以舊臣也尋授正五位下轉中將九年授從  
四位下天皇脫履御閑之日猶以留真鷹身於  
公家是歲冬十一月供大嘗會陣畢自視兵杖  
惟與權中將藤原朝臣助私退去隱于綴喜第  
尔後不復出仕焉真鷹雖素无文學且好鷹犬

除目

而砥礪從公夙夜匪懈又平生抽割俸分寫經  
造像不使人知至齡迫崦嵫願以供養薰修令  
後家无追福之煩父子武家而同此行迹觀者  
歎息思我不如厥後被拜紀伊權守未之國卒  
時年六十二〇己巳以從四位上藤原朝臣助  
為參議從四位上南淵朝臣永河為刑部卿參  
議從四位下安倍朝臣安仁為兼彈正大弼春  
宮大夫下野守如故從四位下攝朝臣氏人為  
兼神祇伯尾張守如故從五位下在原朝臣行

七



平爲侍從從五位下百濟王忠誠爲大監物從  
五位上春澄宿禰善繩爲文章博士外從五位  
下紀宿禰福善爲造兵司正從五位上丹墀真  
人門成爲刑部大輔從五位下善友朝臣豐宗  
爲大炊頭從五位下安棟王爲丹膳正從五位  
下興世朝臣高世爲右京亮從五位下藤原朝  
臣常永爲勘解由次官從五位下淡海朝臣真  
伴爲左兵庫頭從五位下百濟王永仁爲右兵  
庫頭外從五位下山代宿禰氏益爲山城介從

五位上清原真人遠賀爲河內守外從五位下  
匝<sup>サ</sup>瑳宿禰末守爲安房守從五位下伴宿禰善  
男爲讚岐權介從五位下御輔朝臣真男爲土  
佐守外從五位下御野宿禰清庭爲豐前介○  
甲<sup>十五</sup>戌播磨國饒磨郡人散位正七位下叫綿麻  
呂賜姓春永連元夷種也△三月庚寅朔辛卯  
從五位下橘朝臣海雄爲彈正少弼從四位下  
藤原朝臣長足爲山城守○辛<sup>廿二</sup>亥以縫殿頭正  
五位下楠野王爲左兵庫頭○壬<sup>廿三</sup>子相摸國大

年

除目

○秋康  
公云  
長親王曾孫即史  
大夫三曾孫神祇

文室秋津卒

住郡大領借外從五位下壬生直廣主授外從  
五位下以去兼和七年國司褒舉今依格所授  
也○甲寅令義倉物賑給東西悲由病者及貧  
窮者勅曰如聞頃年之間得度之輩累糧遠路  
廻向戒所而依無定限徒引數旬論之物意頗  
背穩便今須度者勘籍三月卅日以前勘定申  
畢起自四月一日七箇日之間依例修懺悔始  
從八日即令授戒授戒之後會集同寺俾修安  
居自今以後立為恒例○丙辰出雲權守正四

位下文室朝臣秋津卒大納言正二位智努王

公卿補任云  
弘仁元年九月任右  
衛門大尉月日右近  
將監五年十二月日

之孫從四位下勳三等大原王之第四子也弘

補藏人七年正月右  
馬助月日左近將  
監十三年十月廿五  
日木三頭天長三年

仁七年叙從五位下明年除甲斐守後任武藏

遷左近衛中將八月叙四位六年拜參議七年

兼右大辨九年兼武藏守遷左大辨十年兼春

官大夫兼和元年上表乞停左大辨左近衛中

將等職勅停左大辨二年遷右近衛中將七月

任右衛門督監察非違宸是其人也亦論武藝

九

七月  
十二月十九日任甲安  
字天長元年正月  
七日

任右衛門督監察非違宸是其人也亦論武藝

七月

任右衛門督監察非違宸是其人也亦論武藝

七月

任右衛門督監察非違宸是其人也亦論武藝

足稱驍將但在飲酒席似非丈夫每至酒三四杯必有醉泣之癖故也九年秋七月連坐伴健岑等謀友之事左降出雲負外守遂終于配處時年五十七△夏四月己未朔楯列陵守等言去月十八日食時山陵鳴二度其聲如雷即赤氣如飄風指離飛去申時亦鳴其氣如初指允飛且遣參議正躬王加檢察伐陵木七十七株至栲木等不可勝計使即勘當陵守長百濟春繼上奏矣座梅宮正五位下酒解神從五位下

大若子神從五位下小若子神三前並奉授從四位下從五位下自玉手祭來酒解神一前正五位下並預名神○壬戌遣使祭廣滿龍田二神例也陸奧國言諸團軍教等款云兵士年役六十箇日分結六番以旬相代口食私粮身直城塞而道路遼遠頗疲往還家居少日何濟產業因茲逃散者多民不安堵望請更加一千人與本并八千人分結八番延彼番程以息弊兵唯不更置團周加諸團者許之式部省言兼前

之例以諸勘籍人補諸司番上諸衛府舍人靜  
言事由尤爲出身夫出身之難自古而久當今  
之世動易脫畧望請先立限之外悉經一選補  
他色奏可之但外考補坊舍人同舍人遷他色  
及依理解却之類每年卅人特聽出入中宮后  
宮亦同此例自今以後立爲恒例陸奧鎮守將  
軍從五位下御春朝臣濱主言健士元勲位人  
也既脫調庸亦无課役兼前之將撰其武藝特  
号健士給糧免租結番直戍而勲位悉盡無人

名神

充行仍任格旨差行白丁全給公糧兼免調庸  
人同役異也請射下健士准兵士下兵同令役  
修理城隍許之○乙丑從五位下伴宿禰清貞  
爲縫殿頭○壬申授正四位下平朝臣高棟從  
三位○丁丑山崎神預之名神○己卯使參議  
從四位上藤原朝臣助掃部頭從五位下坂上  
大宿禰正野等奉謝楯列北南二山陵依去三  
月十八日有奇異搜檢圖錄有二楯列山陵北  
則神功皇后之陵倭名大足南則成務天皇之

楯列二陵之事

陵倭名、稚足世人相傳以南陵為神功皇后之陵倭名、稚足世人相傳以南陵為神功皇后之陵偏依是口傳每有神功皇后之崇空謝成務天皇陵先年緣神功皇后之崇所作弓劍之類誤進於成務天皇陵今日改奉神功皇后陵○辛巳參議正四位下三原朝臣春上上表致仕許之△五月己丑朔日赤无光終日不復非雲非霧黑氣亘天至于午後時時日見其色黃赤○辛卯令神祇官陰陽寮解謝之是日午刻日色明潔也○癸巳停馬射節諒闇也○丙申又

石見國分郡

為鎮內裏物恠并日異屈百法師限三日讀藥師經於清涼殿修藥師法於常寧殿轉大般若於大極殿諸司醋食兼禁殺生石見國美濃郡分割為兩郡本郡依舊為美濃郡新郡取邑号為鹿足郡其職負者准小郡折元四負分取一人更加一負物置二負本郡則准下郡置三負武藏國那珂郡元來小郡官負約小而今戶口增益結定四鄉收多職少不堪須行據准令條誠裕下改小為下更增一負又讚岐國大內

郡

十二

郡小郡只有領帳領則領調入京帳猶留園養  
務非常移病無人從公加之鄉戶田數既堪下  
郡改小爲下加領一負焉一品式部卿葛原親  
王遣男從三位大藏卿平朝臣高棟詣朝堂抗  
表曰倦會知暮自是反林之時老馬傷羸亦爲  
稅駕之日遠取諸物近喻於身鳥物之情人亦  
不殊臣才識空虛駢馳駑怯猥以瓊樹之業花  
銀潢之洧滴出宗室之先位人臣之上誠當償  
德之期生死無終記恩之處魂魄有遺豈取欽  
斯獨善尚彼高冲然而年隨日積病與老和一  
日伏枕四支委廢漸以過日彌覺衰耗縱有殘  
喘知非全身夫吏部者人物之衡錘吏職之清  
要填案盈几何須暫曠伏願還於天工以利王  
職臣聞天道禍滿人道福謙儻因一退時得再  
生則庶暫留泡露重瞻闕庭不許之○辛丑地  
震○壬寅犬登殿上御座前參議以上座邊反  
吐土并遺屎○癸卯文章得業生正六位下和  
氣朝臣負臣對策判之爲不第焉楯列山陵守

丁聽隨關差京戶并浪人以當土無人差課也  
 ○辛亥奉授從五位下酒解子神從四位下○  
 甲寅勅充油一斛正稅三百束於故京本元興  
 寺六月十五日万花會十月十五日万燈會以  
 此兩日每年修之立為恒例△六月戊午朔令  
 知古事者散位正六位上菅野朝臣於內史局  
 始讀日本紀○辛酉制去弘仁四年二月勅僧  
 尼有身死并還俗其度緣戒牒早令進省省即  
 年終申官毀之宜諸國國分二寺僧尼度緣死

關之日依前令進但請補國分二寺僧尼之闕  
 先進度緣然後補之若乖此旨科違勅罪○甲  
 子右京人六世長谷王鳥嶋王池子女王七世  
 小長谷王等四人賜真春真人姓始置主計主  
 稅二寮寮掌各二人准勘解由使及京職以雜出身人堪事者補之○  
 乙丑肥後國阿蘇郡從三位勳五等健磐龍命  
 神社神主河內國河內郡從二位勳三等平足  
 太神社神主等永預把笏○戊辰參議從三位  
 勳六等兼越中守朝野朝臣鹿取薨鹿取元

公卿補任云  
弘仁元年三月十  
日補藏人

日本後紀為仁五  
年正月己酉朔  
辛未為左少將  
公卿補任云  
五年正月十日兼  
上野守

公卿補任云九年  
六月甲子任內藏  
頭  
日本後紀云弘仁十  
一年閏正月己卯正  
五位下兵部大輔  
朝野宿祢鹿取  
依病上表辭職  
勅許之授從四位  
下

大和國人正六位上忍海連鷹取之子也。特父  
從六位上朝野宿禰道長為子出身延曆十一  
年自言歸父戶追賜父鷹取姓宿禰即入京少  
遊大學頗涉史漢兼知漢音始試音生任相摸  
博士後登科為文章生自此累遷遺唐准錄事  
太宰大貳式部錄左太史左近衛將監等職弘  
仁二年恩勅叙從五位下以帝苦在藩之日侍  
講也二月補左衛門佐十二月服解三年奪情  
除近江介五年遷右近衛少將七年兼主殿頭

十一月兼因幡介八年加從五位上兼任內藏  
頭上野守少將如故十年加正五位下遷兵部  
大輔相摸介少將尋授從四位下五月復除兵  
部大輔十二年遷中務大輔五月遷民部大輔  
六月復遷中務大輔十四年遷左中辨天長四  
年加從四位上二月除太宰大貳上表乞解大  
貳不許十一年六月拜參議十一月兼式部大  
輔養和元年七月停式部大輔遷左大辨七年  
加正四位下九年授從三位兼越中守立收謹



慎臨<sup>シ</sup>夏<sup>ニ</sup>明了<sup>ニ</sup>以<sup>テ</sup>吏<sup>ヲ</sup>幹<sup>ラ</sup>稱<sup>能</sup>收<sup>メ</sup>人<sup>ヲ</sup>譽<sup>ラ</sup>至<sup>シ</sup>小<sup>モ</sup>藝<sup>ニ</sup>大<sup>ニ</sup>歎<sup>ス</sup>薨<sup>ス</sup>時<sup>ス</sup>年<sup>ス</sup>七十<sup>ニ</sup>○<sup>廿五</sup>壬午伊賀尾張參河武藏安房上總下總近江上野陸奥越前加賀丹後因幡伯耆出雲伊豫周防等十八國飢<sup>ユ</sup>勅<sup>シ</sup>加賑恤○<sup>廿八</sup>乙酉從五位下橘朝臣貞根為中務少輔藤原朝臣宗吉為大監物從五位上御船宿禰氏主為兼越中守大學博士如故○<sup>廿九</sup>丙戌左京人從五位下春枝之<sup>王</sup>子六世岑正是子女貞子女王正六位上秋枝王之<sup>子</sup>六世正六位上今根

王之子安繼王清淵王易野女王五世正六位上永根王之子良長王良雄王良氏王瀧子女王等七人賜姓清瀧真人三品忍<sup>オサカバ</sup>壁親王之別也△秋七月<sup>小</sup>戊子朔<sup>十</sup>丁酉奉幣於天下名神令祈百穀是日勅會去年七月十四日八月廿七日兩度恩赦諸國未得解由之輩式<sup>モツテ</sup>訴諸司偏緣<sup>テ</sup>洪恩只放<sup>テ</sup>解由至于造會赦帳令加其名<sup>ヲ</sup>寄事彼此拒以不署此則乖詔書所指復似<sup>シ</sup>隱舊疵須彼帳進之後乃與解由但後司所勘事有

奉幣於天下名神

不平准，不與解由狀加所執，亦前被放許。類  
奸遁，不署修解言上未署之間，五位已下，不論  
京官外任及散位惣奪位祿六位已下同，沒季  
祿公廨無職之人不預叙用。○辛丑<sup>十四</sup>修嵯峨太  
上天皇周忌齋會，先是有司奏言周忌齋日的  
在七月十五日壬寅伏，按朝章至行凶事三官  
本命之日猶且忌避而況重于太皇太后及聖  
上御本命乎伏請齋會之期却取十四日辛丑  
也有司所奏僉以為宜太皇太后亦許之而中

納言源朝臣信參議源朝臣弘等執奏言臣等  
奉遵顧命期不違失今如斯議乖遺誥何者遺  
誥曰勿拘俗事然則何須拘忌又曰送葬勿過  
三日縱當彼時三日之內有寅者避之耶又後  
年周忌或有寅日亦猶避之耶上因熱發不能  
面議勅令大納言藤原良房朝臣與諸公卿議  
定奏曰本命之日不舉凶事自古之蹤非無所  
據謹案遺詔勿拘俗事蓋謂鄉曲所忌碎事非  
指朝家行來舊章又當彼時三日之內如有可

避則避之無疑失周忌齋會臣子縞素凡所舉  
動物是不祥是以忌之耳後年國忌豈可與同  
乎偏守一隅不是通論源朝臣等無復駿議仍  
停壬寅一取茲辛丑焉○庚戌致仕左大臣正  
二位藤原朝臣緒嗣薨依例遣使監護喪事遺  
言不受焉詔曰念功惟深懷德即舊惣天工之  
網紀為人臣之重望況乎自朕幼郁比翊王室  
志同鷹隼操均松筠夫哀以悼徃榮以飭終宜  
崇寵增用光幽壤可贈從一位緒嗣者參議正

藤原緒嗣薨

母后之位伊世  
大津女

三位式部卿太宰帥宇合之孫而贈太政大臣  
正一位百川之長子也桓武天皇延曆七年春  
喚緒嗣於殿上令加冠焉其幞頭巾子皆是乘  
輿之所徹也即授正六位上補內舍人賜劔勅  
曰是汝父所獻之劔也汝父壽詞于今未忘每  
一想像不覺淚下今以賜汝宜莫失焉尋賜封  
百五十戶十年春授從五位下時十八年補侍從中  
衛少將兼常陸介內廐頭俄遷衛門佐十六年  
秋七月叙正五位下未及淡原授從四位下時

十八

四廿尋轉衛門督兼出雲守造西寺長官右衛門督廿一年夏六月行幸神泉苑是日有宴令緒嗣彈和琴帝喚大臣耳語良久帝乃流涕更召皇太子親王等令陪殿上即詔曰微緒嗣之父予豈得踐帝位乎雖知緒嗣年少為臣下所恠而其父元功予尚不忘宜并參議以報宿恩大臣奉勅便起引唱廿九年尋兼山城但馬守大同二年加從四位上為山陰道觀察使兼左大辨是歲刑部卿遷東山道使兼陸奥出羽按察使

冬十月加正四位下大同元年九月十日弘仁年中遷右兵衛右衛門等督停按察使頻兼美濃近江等守辭脫武官遷宮內卿兼河內守尋叙從三位拜中納言俄授正三位遷民部卿轉大納言授從二位兼皇太子傅天長二年拜右大臣返上封十戶九年轉左大臣弘仁以降辭職之表已過十上三朝憂詔不許之緒嗣朝臣曉達政術卧治王室國之利害知無不奏但有兩人說一事其一人先所談是漫語也一人後所道乃真實也而權

後

信先談不容後說有茲偏執為人所刺薨時年七十是日遣使奉幣於伊勢太神宮為祈秋稼也○丙辰是晦日也公卿率百官被于朱雀門始就吉禮也△八月丁巳朔釋奠○癸亥天皇御大極殿遣使奉幣帛於伊勢太神宮○甲子信濃國言瑞雲見○辛未月有蝕之是日詔曰无位橘朝臣奈良麻呂倚伏難測既扃夜臺悼福祿之不長悲忠貞之未遂宜寬典式賁幽憤可贈從三位○乙亥宗康親王加元服親王已

宗康親王元服

大宰府言

下五位已上賜祿有差○戊寅大宰府言對馬嶋上縣郡竹敷埒防人等申云從去正月中旬迄于今月六日當新羅國遙有鼓聲傾耳聽之每日三響常候已時其聲發動加以至于黃昏火更見矣勅曰夫不忘亡乱古人明戒將驕卒惰兵機所忌縱雖无事故不可不慎大宰府言對馬嶋司言去延曆年中以東國人配防人後又筑紫人配防人而並停廢也當百姓去弘仁年中疫癘多死急有寇賊何堪防禦望請准舊

神位

例以筑紫人為防人者聽之。○庚辰請百僧於  
 大極殿轉讀大般若經亦分卅僧於真言院修  
 法セシム五箇日間諸司潔齋為攘物マシカフ也△九月丙  
 戌朔庚寅奉授陸奧國從五位下多丸都神正  
 五位下勲九等會津郡石波止和氣天神无位玉造温  
 泉神无位伊佐須美神並從五位下○甲午是  
 重陽節也會津郡天皇御紫宸殿宴群臣及文人同賦  
 白露為霜之題宴訖賜祿○丙申內裏犬產焉  
 諸司行事奉幣於伊勢太神宮例也○戊戌奉

神位

除目

授從四位下丹生川上雨師神從四位上○辛  
 丑從五位下朝野朝臣負吉為中務少輔從五  
 位下橘朝臣負根為侍從從五位下清岑宿禰  
 門繼為縫殿頭從五位下伴宿禰清負為備後  
 守正三位藤原朝臣愛發薨大納言正二位真  
 楯之孫贈左大臣從一位內麻呂第七子也大  
 同年中為文章生屢獻應詔之詩弘仁六年叙  
 從五位下九年任近江介尋遷民部少輔左右  
 少辨累加正五位下轉右中辨天長元年叙從

藤原愛發薨  
 公卿補任云  
 弘仁二年十月十日  
 任式部少丞四年  
 正月補藏人年二  
 十同月廿五日任  
 大丞六年正月十  
 二日兵部少輔天  
 長元年六月藏  
 人頭  
 九月中營大捕  
 十三年十一月朔日朝  
 且之至是之上

公  
天長六年正月  
甲午遷四位上

公  
美三五十六  
民部卿

四位下三年拜參議兼中務大輔遷大藏卿五年正月兼下總守三月罷大藏卿為春官大夫七年五月遷式部大輔六月加正四位下任左大辨九年六月兼左兵衛督十一月授從三位拜中納言兼民部卿為入和柔不妄發忿在於政塗許為通熟美和七年任大納言至九年秋連逮伴健岑謀反事出于京外在山城國久勢郡別墅而薨焉時年五十七賜紀伊國名草郡人紀臣廣人廣成等朝臣姓○甲辰始置陸奥

姓

神名式云  
對馬嶋下縣郡  
雷命神社  
豐後國直入郡  
健男霜凝日子神  
社海部郡  
早吸日女神社  
日向國兒湯郡  
都農神社

國鎮守府掌一負令帶刀把笏也對馬嶋无位雷命神无位健男霜凝并比咩神豐後國無位早吸咩神無位高智保皇神日向國無位都濃皇神並奉授從五位下○丙午天皇御紫宸殿皇太子侍焉左右諸衛府共有奉獻親王公卿列立中庭謝座謝酒同節會儀奏音樂宴訖賜五位已上祿○甲寅肥前豐後薩摩三箇國壹岐對馬兩嶋並飢賑給之△冬十月丙辰朔天皇御紫宸殿內宴于皇太子已下侍臣已上賜

名神

公卿封祿復旧

祿有差○壬申梅宮從四位下酒解子神一前  
平野社一前預之名神○癸酉遠江國濱名郡  
猪鼻驛家廢來稍久今依國司言遣使檢其利  
害更令興復是日遣使奉幣於香椎廟為令寶  
位無動國家大平也是日公卿封祿復舊下詔  
曰朕道昧司牧富教之風仍虧政乖雍熙人之  
九載之貯往者欠旱為害秋稼不登顧賑給之  
不周暫損服御之費而卿等志叶退食功深推  
宜分折封祿以助公用是敕幣之緩急興邦之

僧位

變通焉朕雖荅匪躬之誠猶懷虺膏之愧適屬  
兼秋之頗熟知資用之稍支宜所減祿封一復  
舊貫有司悉意副朕思焉○甲戌始賜諸陵圖  
書雅樂園池正親司印各一面△十一月乙酉  
朔癸巳地震以太僧都泰景為僧正少僧都明  
福為大僧都律師延祥為少僧都大法師實敏  
為律師大法師真濟為權律師○丙申遣參議  
左大辨從四位上正躬王奉幣帛於賀茂神社  
為令國家昌泰也○丁酉以丹波國氷上郡空

奉幣賀茂神社

十三



按田使

彈平少弼當作刑部大  
輔欽當卷七下可見

閑地廿町，賜親子，內親主。○乙亥<sup>十五</sup>攝津國嶋上，  
 郡古荒由十八町八段，賜時子，內親王陸奧國  
 磐城郡，大領借外從五位下，勳八等，磐城臣雄  
 公書生黑川郡，大領借外從五位下，勳八等，靱  
 伴連黑成，並授外從五位下，哀公勤也。○庚子<sup>十六</sup>  
 任，按畿內田使，以參議從四位上滋野朝臣貞  
 主，為大和長官，國守從四位上紀朝臣長江彈  
 正，少弼從五位上丹墀真人門成，為次官，參議  
 從四位下安倍朝臣安仁，為河內和泉長官，河  
 內守從五位上清原真人遠賀和泉守外從五  
 位下菅野朝臣繼門，為次官，參議從四位上藤  
 原朝臣助，為攝津長官，國守從五位下有雄王，  
 為次官，參議從四位上正躬王，為山城長官，國  
 守從四位下藤原朝臣長岡，為次官，是日勅為  
 護國家於東寺，令定真言宗傳法職位，并修灌  
 頂宜，告諸寺，嚴加捉搦，若有違犯者，一依養老  
 六年七月十日，格科罪，陸奧國白河郡，百姓外  
 從八位上勳九等，拍造智成，戶一烟改姓，為陸

大凡

姓

奧白河連同國安積郡百姓外少初位下拍造  
子狎麻呂戸一烱改姓為陸奧安達連△十二  
月乙卯朔下野國那須郡大領外從六位下勲  
七等大部益野勸課農田一千五百七十一町  
增益戸口二千四十一人國司裒舉借外從五  
位下以能登國郡內定額大興寺始為國分寺  
出羽國河邊郡百姓外從五位下勲八等奈良  
已智豐繼等五人賜姓大瀧宿禰其先百濟國  
人也○戊午攝津國豐嶋郡人左衛門府門部

姓

神位

正八位上迹連繼麻呂式部位子從八位下勲  
八等迹連成人武散位正六位上迹連淨足式  
部位子少初位下迹連淨水等七人除迹字  
賜阿刀連姓高祖從七位上阿刀連生羽也祖  
父從七位上乙淨天平年中誤以迹一字為姓  
矣檢庚午年籍復本姓焉奉授從五位下稻荷  
神從五位上○辛酉從五位下雄豐王為宮內  
大輔○癸亥入唐留學天台宗僧圓載之弟子  
仁好順昌與新羅人張公靖等廿六人來著於

官田麻呂謀反

長門國奉授從五位下貴布禰神正五位下。○  
 庚午山城國正月吉祥悔過自弘仁十三年依  
 官符旨於國廳修焉始自是歲復舊例令修於  
 國分寺。○甲戌制彈正京職巡檢之日下馬之  
 法相爭日久須當彌行事大夫及亮揖馬請勘  
 當至于進屬並依致敬忠并巡察檢校之日進  
 屬進退一准彌亮相對之儀史生坊令不論位  
 階惣猶下馬。○丙子散位從五位上文室朝臣  
 官田麻呂之從者陽侯氏雄告官田麻呂將謀  
 反遣內豎喚官田麻呂即副使參於藏人所即  
 禁官田磨于左衛門府分遣勅使左中辨正五  
 位下良岑朝臣木連右中辨正五位下伴宿禰  
 成益少納言從五位下清瀧朝臣河根左兵衛  
 大尉藤原朝臣直道等於京及難波宅搜求反  
 具是日諸門禁固焉。○戊寅禁告者氏雄于左  
 近衛府勅使等所搜得官田麻呂京宅兵具弓  
 十三枝胡籙三具箭百六十隻劔六口難波宅  
 兵器曹二枚零落甲二領劔八口弓十二張胡

配流

錄十具梓三柄弃置于右近衛陣。○庚辰遣參議滋野朝臣貞主左衛門佐藤原朝臣岳雄推問宮田磨。○辛巳山城國宇治郡白由一町五段賜大中臣朝臣東子。○癸未謀反文室宮田麻呂罪當斬刑宥降一等配流於伊豆國其男二人內舍人忠基於佐渡國無官安恒於土左國從者二人和述部福長於越後國并於牧磨於出雲國連坐僧神散與牧磨共流同處告者陽候氏雄特授大初位下任筑前權少目以所

大法師守印卒

告有端也元興寺傳燈大法師守印卒和泉國人俗姓土師氏勝虞大僧都之門徒也延曆廿四年年分具戒法師性骨聰敏心神精明一經耳者諳而不忘暫觸目者記而不漏精練法相兼悟俱舍焉論議之座相敵者希六根之中鼻根最奇守印他去間有人入其房守印歸來問之云向來何人入吾房又見童子云汝食其飯驗之知實焉鼻之遙聞皆此類也惜未昇朝家講空化一房之內于時年六十一

續日本後紀卷第十三

續日本後紀卷第十四起十一年正月盡十二

太政大臣從一位臣藤原朝臣良房等奉

勅撰

十一年春正月甲申朔廢朝賀大雪也天皇御

紫宸殿侍從已上賜御被○丙戌天皇朝觀太

皇太后於冷然院讌樂終日賜扈從五位已上

祿有差○己丑山城國上鐵甲一領云件甲累

布袋流著葛野川○庚寅天皇御紫宸殿宴群

臣詔授无品基負親王三品無品宗康親王四

品從四位下安倍朝臣安仁從四位上无位基

叙位

伎王從四位下從五位上長田王正五位下正  
六位上並山王鎌倉王並從五位下從四位下  
橘朝臣氏人正四位下從四位下田口朝臣佐  
波主藤原朝臣長良並從四位上正五位下藤  
原朝臣輔嗣良岑朝臣木連並從四位下從五  
位下藤原朝臣安永藤原朝臣大津紀朝臣野  
長路真人永名坂上大宿禰正野百濟王善義  
清瀧朝臣河根並從五位上外從五位下大岡  
宿禰豐繼伴宿禰真足豐岡宿禰真黑麻呂正  
六位上藤原朝臣有負藤原朝臣三藤菅原朝  
臣是善清原真人清海藤原朝臣菅雄紀朝臣  
筑紫麻呂藤原朝臣松影藤原朝臣負道道真  
人繼足小野朝臣恒柯秋篠朝臣氏永中臣朝  
臣逸志高橋朝臣安雄飯高朝臣永雄橘朝臣  
高成大和真人吉直丹墀真人博太磨並從五  
位下正六位上高丘宿禰負雄阿保朝臣永善  
名草宿禰安成宇治宿禰丹生麻呂並外從五  
位下宴竟賜祿有差○辛卯於大極殿修宸勝

會授正六位上高階真人三嶋磨從五位下從  
 四位下藤原朝臣諱某太皇太后從二位陸奧國磐城  
 郡大領外從五位下勲八等磐城臣雄公戶口  
 廿四人男十四人女十人磐城負道戶口十人  
 男七人女三人磐城臣弟成戶口四人男三人  
 女一人磐城臣秋生戶口三人男二人女一人  
 賜姓阿倍磐城臣○壬辰皇太子入觀於清涼  
 殿拜舞~~綠~~被授所生女御藤原氏從三位也○  
 甲午從四位上藤原朝臣長良從四位下兒果進錄可見橘朝臣岑繼並

為參議正四位下紀朝臣名虎為刑部卿參議  
 從四位上和氣朝臣真綱為美作守右大辨如  
 故○丁酉最勝會竟更引名僧於內裏令論議  
 訖施御被○己亥天皇御紫宸殿宴侍從已上  
 覽踏歌畢賜祿有差○庚子天皇內宴於仁壽  
 殿公卿及知文士五六人陪焉同賦上春詞之  
 題別有勅令三品基負親王預宴日暮賜祿有  
 差是日叙內教坊妓女石川朝臣色子從五位  
 下△<sup>大</sup>二月甲寅朔日有蝕之○乙卯除按田使

從五位下笠朝臣數道為山城國次官從五位  
 下路真人永名為攝津國次官○丙辰能登國  
 言依去年十月十七日官符以定額寺為國分  
 寺訖望請停讀師被給講師者勅依請許之○  
 辛酉授外從五位下阿保朝臣永善正六位上  
 安倍朝臣氏生並從五位下從五位下並山王  
 為齋宮頭正五位下長岑宿禰高名為兼權頭  
 伊勢守如故○壬戌行幸水成瀨野賜扈從群  
 臣侍從已上及攝津國司等祿日暮乘輿廻宮

○丁卯釋奠公卿就大學行事○戊寅行幸交  
 野賜扈從群臣侍從已上及河內攝津等國司  
 祿日暮車駕還宮○己卯參河國言永停任讀  
 師以其布施物充用造寺料其法會之時以國  
 分僧臈次第行之者勅依請許之○庚辰掌侍  
 從四位下大和朝臣館子為典侍△三月甲申  
 朔戊子外從五位下下毛野朝臣田會磨為造  
 酒正○戊戌但馬國上帽子單衣腰帶草鞋刀  
 子等一櫃其体樣早小不似此間之物疑侏儒



國物流著者歟○乙巳有勅召備後國權守從  
四位下善道朝臣真負令入京○己酉天<sup>五</sup>皇朝  
親太皇太后於冷然院宴侍從已上賜祿有差  
○庚戌授從五位下惟良宿禰春道攝朝臣負  
根並從五位上從六位上內藏忌寸雄繼外從  
五位下△夏四月癸丑朔天皇御紫宸殿宴侍  
從已上賜祿有差○壬戌太宰府言管大隅薩  
摩壹岐等國嶋司言建國任職大小是同除災  
祈福彼此不異方今此國皆有講讀師之職修

正月安居等夏兩件國嶋既無講讀之職遂失  
鎮護之助加以國分二寺雜物觸類多既無  
網維令誰檢領望請准諸國之例置講讀師者  
府司商量所陳有理望請准管內諸國博士醫  
師之例府司於觀音寺與彼講師共簡試部內  
精進練行智德有聞堪任講筵終始無變者將  
補任之者勅講師者依請補任讀師者莫更置  
之但安居齋會之日依延曆廿五年三月格以  
國分僧次第講之○丁卯從五位上三嶋真人

岡麻呂為散位頭。○庚辰<sup>廿八</sup>天皇御武德殿覽諸  
牧、駒馬及騎射。○壬午<sup>晦日</sup>參議式部大輔從四位  
上滋野朝臣貞主以在西寺南居宅一區捨為  
道場。仍言私建道場是格之所禁也。雖是舊宅  
事似新建。但此家之為體前臨淵水。後隔佛地。  
去寺迫近。殆同伽藍。凡寺邊二里本禁殺生。而  
家人奴婢動事漁網。近寺之弊。還犯憲法。望請  
便入西寺。令為別院。号其名曰慈恩院。東大寺  
僧傳燈住位僧圓<sup>備</sup>永為別當。三綱在別人自  
此以後。別當三綱隨檀越願令充行之者。務聽  
之。△五月癸未朔丁亥。天皇御武德殿覽四衛  
府騎射。○戊子<sup>武德</sup>御覽中衛府騎射種種馬  
藝。○丙申<sup>十四</sup>甲斐國言山梨郡人伴直富成女年  
十五嫁鄉人三枝直平麻呂。生一男一女。而養  
和四年平麻呂死去也。厥後守節不改。年已四  
十四而攀号不止。恒事齋食。敬於靈床。宛如存  
日。量彼操履。堪為節婦者。勅宜終身免其戶田  
租。即標門間以旌節行。○戊戌<sup>十六</sup>越前國飢。遣使

賑給之。○己亥參議從四位上正躬王為兼遠  
江守左大辨如故。○辛丑淡路國言他國漢人  
等三千餘人賫王臣家牒群集濱浦寃凌土民  
伐損山林雲集霧散濫惡不休又官舍驛家皆  
在海邊而接居波間譬猶魚鱗縱有火災可難  
撲滅勤加禁斷國力不足望請官符皆悉禁制  
官宜宜嚴加禁止勿令更然如不遵制旨尚致  
濫猾立加決罰以懲將來但所犯之罪杖罪已  
上者勘錄所犯及姓名早速言上。○甲辰奉授

神位

月

山城國水主神從五位下。△六月癸丑朔天皇  
御紫宸殿宴侍臣賜祿。○丙辰奉授伊勢國正  
五位下多度神從四位下若狹國飢遣使賑給  
之。○己未太宰府獻白鳥一隻。○丁卯日本紀  
讀畢。○戊寅水司言司家之政觸類繁多而  
本自無印只用白紙莫涉輕疎未免嫌疑望請  
准內膳采女等司被給件仰者勅宜充之。○庚  
辰正五位下伴宿禰成益為兼左中辨大藏大  
輔如故。△秋七月壬午朔癸未任左右大臣詔

日本紀讀畢

七

○甲申出羽國  
寢上郡人外從八  
位上勳七等伴  
部道成男外  
少初位上勳九  
等繼益白吉  
繼秀益繼守  
同姓勳九等福  
尊等七人賜姓  
吉孫候

日天皇我詔旨止良万宜大命乎親王諸王諸臣  
百官人等天下公民衆聞食止宜食國乃法止  
定賜此行賜留倍國法隨尔先立先立止從二位  
源常朝臣乎左大臣官尔任賜布又宜久正二  
位橘氏公朝臣波於朕天近親毛在又可仕奉  
倍次毛在尔依毛天奈右大臣官尔治賜止勅不  
支天皇大命乎衆聞賜止宜又勅曰在唐天台請  
益僧圓仁留學僧圓載等久遊絕域應乏旅資  
宜附圓載兼從僧仁好還次賜各黃金二百兩

者所司准勅分升如前○辛卯從五位下鎌倉  
王為少納言○癸巳請百僧於八省院轉讀大  
般若經祈甘雨是日雨降△閏七月壬子朔天  
皇御紫宸殿四衛府獻物宴五位已上賜祿有  
差○戊午天皇御仁壽殿令奏林邑樂未曾覽  
此樂故也○辛酉左大臣從二位兼行左近衛  
大將皇太子傳源朝臣常上表曰云云優詔不  
許○壬申奉幣伊勢大神宮祈防風雨災○癸  
酉左大臣源朝臣常重上表曰云云勅書於左

大臣曰所表具之堂高則階遠爵貴則祿優二者之來一定之道而卿深鑒損挹固守冲虛減封之請前後累通朕與卿昆季義兼家國偏行則公議不聽兩遂則私情難忍雖賞輕德重自先害盈之嫌而派分枝連欲益福謙之利故屈之于此申之于彼以元來望宜知此意△八月辛巳朔天皇御紫宸殿覽芳宜花宴老臣皆有復古之歎日暮賜五位已上衣被有差○乙酉文章博士從五位上春澄宿禰善經大內記從五位下菅原朝臣是善等被大納言正三位藤原朝臣良房宜備先帝遺誡曰世間之事每有物恠寄崇先靈是甚無謂也者今隨有物恠令所司卜筮先靈之崇明于卦兆臣等擬信則恠遺誡之旨不用則忍當代之咎進退惟谷未知何從若遺誡後有可改臣子商量改之耶以否由是略引古典證據之文曰昔周之王季既葬後有求而成變文王尋情奉之也先靈之崇不可謂毋又有幽明異道心夏相違者如北齊富

豪梁氏是也臨終遺言以平生所愛奴為殉家  
人從之奴蘇言忽至官府見其亡主主曰我惟  
亡人得使奴婢於遺言喚汝今不相關當白官  
放汝謂家人為我修福云云又春秋左氏傳魏  
武子有嬖妾無子武子疾命其子顛曰必嫁病  
困則更曰必以為殉魏顛擇之從其治也謂病未至  
也遂待老夫結草之報尚書曰女則有大疑謀  
及卿士謀及卜筮白虎通曰定天下之吉凶成  
天下之亹々莫善於蓍龜列梁辨和同論曰夫

事有違而得道有順而失道是以君子之於事  
也無適無莫必考之以義由此言之卜筮所告  
強不可不信君父之命量宜取捨然則可改之  
復何疑也朝議從之○癸巳奉北野駐蹕於雲  
林院闡覽池塘錫宴群臣日暮還宮○乙未紀  
伊國名草郡人右兵衛從六位下紀堤臣清繼  
賜姓紀朝臣○丁酉奉授陸奥國死位勲九等  
也○庚子嵯峨太皇太后不豫遣中使奉問起  
也○前田郡川田嶺神死位鼻節神並從五位下緣有靈驗  
官城郡也○

姓

神位

藤原貞主卒

居<sup>ラ</sup>○<sup>廿三</sup>癸卯丹波國多紀郡人齋院主典從七位  
上常澄宿禰成生改本居貫附左京一條二坊  
△<sup>九</sup>九月辛亥朔雨快降先是不雨已久井泉涸  
竭故今人人以為嘉澍○<sup>九</sup>己未天皇御紫宸殿  
宴重陽節公卿已下至六位文人同賦問秋光  
之題訖賜祿有差○<sup>十</sup>庚申外記曹司廳前白虹  
見○<sup>十六</sup>丙寅近江權守從四位下藤原貞主卒也  
南朝參議從三位大藏卿楓磨之孫從五位上  
園生之子也弘仁十三年叙從五位下頻經內

姓

外官所在必著治迹屬兼和九年近江國關門  
警固時貞主居其國介被叙四位便任權守立  
性溫惠莅政幹濟雖案牘成堆庶務猥積而飲  
酒之興不曾休廢醉後彌明割斷如流故吏民  
不敢欺之卒于官時年七十○<sup>廿八</sup>戊寅從五位下  
長岑宿禰秀名為豐前介△冬十月庚辰朔天  
皇御紫宸殿宴侍從已上賜祿有差左京人玄  
蕃助從六位上日置宿禰真淨造輪田使主典  
大初位上繼大初位上國長大初位上益繼无

十一

神位

位淨海等賜姓三統宿禰△十一月乙酉朔辛

亥奉授紀伊國從五位下志摩神伊達神靜火

名草郡

神並正五位下○壬子鴨上下大神宮禰宜外

從五位下賀茂縣主廣友等歛云所謂鴨川從

二神社指南流出而王臣家人及百姓等取鹿

羸於北山便洗水上其末流來觸神社因茲汚

穢之崇屢出御卜雖加禁制不曾順慎宜自當

國迄于河源嚴加禁斷若違犯者禁其身申送

國郡司并祢宜祝等許容之者必處科○壬戌

參議從四位上滋野朝臣貞主為兼勘解由使

長官式部大輔讚岐守如故○丁丑行幸水成

瀬野山城攝津河內等國司獻御贄還離宮賜

扈從臣及國司等祿日暮車駕還宮△十二月

戊寅朔壬午除班由使參議從四位上正躬王

為山城國長官參議從四位上滋野朝臣貞主

為大和國長官刑部大輔從五位上丹墀真人

門成為次官參議從四位上安倍朝安仁為河

內和泉兩國長官參議從四位上藤原朝臣助

十二

類聚三代格第一  
一義和十一年十一  
月四日太政官并  
有

班田使




姓

神位

為攝津國長官是日從五位下筮朝臣數道為  
 丹後守○癸未左京人太政官史生從八位下  
 楊津連弟主舟暨无位楊津連繼吉賜姓恒世  
 宿祢○乙酉天皇御八省院發遣奉幣使於伊  
 勢太神宮○丙戌山城國紀伊郡人未使逆曆  
 改本居貫左京三條○丁亥奉授從五位上稻  
 荷神從四位下○戊子攝津國言依去天長二  
 年正月廿一日養和二年十一月廿五日兩度  
 勅旨定河邊郡為奈野可遷建國府而今國弊  
 民疲不堪發役望請停遷彼曠野便以鴻臚館  
 為國府且加修理者勅聽之○丁酉行幸水沼  
 野及芥河山城國司獻御贄賜扈從侍從已上  
 及國司祿有差日暮車駕還宮○壬寅越前守  
 從四位下岑成王犯罪當官解任岑成王初赴  
 任之後乞暇入京隱居不上所司奏劾之散位  
 從四位下勲七等坂上大宿祢鷹生卒

坂上鷹生卒

續日本後紀卷第十四



1  
2  
3